

Evening Dogri (NSD)

28-01-2025

खबरां

1. प्रधानमंत्री नरेंद्र मोदी होरें उत्तराखंड च 38में राष्ट्रीय खेड्डें दा उद्घाटन कीता।
2. प्रधानमंत्री नरेंद्र मोदी होरें उत्कर्ष ओडिशा मेक इन ओडिशा कन्क्लेव 2025 दा उद्घाटन कीता ते आखेआ जे पूर्वी भारत मुल्खै दा विकास इंजन ऐ ते ओडिशा एहदा इक महत्वपूर्ण हिस्सा ऐ।
3. विदेश मंत्री डॉ. एस जयशंकर होरें अबू धाबी च रायसीना डायलाग च भारत ते मध्य पूर्व सरबंधें गी मजबूत बनाने पर जोर भरेआ।
4. भारत नै श्रीलंका नौसेना आसेआ फगड़े गेदे भारतीय मछेरें पर गोलीबारी दी घटना पर कड़ा अवरोध दर्ज कीता ऐ।
5. प्रयागराज च महाकुम्भ च कल मौनी अमावस्या दे मौके पर दुआ अमृत स्नान होगा।
6. क्रिकेट च भारत नै स्काटलैंड गी अंडर-19 महिला टी-20 विश्व कप च 150एं रन्ज कन्नै हराई दित्ता ते पुरूषें दा त्रीया टी-20 अंतरराष्ट्रीय मैच भारत ते इंग्लैंड बश्कार गुजरात दे राजकोट च निरंजन शाह स्टेडियम च शुरू होई गेआ ऐ।

<><><><><><>

UK-Natinal Games

राष्ट्रीय खेड्डां 2025 अज्जै थमां उत्तराखंड च शुरू होआ करदियां ना। प्रधानमंत्री नरेंद्र मोदी होरें देहरादून दे राजीव गांधी अंतरराष्ट्रीय क्रिकेट स्टेडियम च एहदा उद्घाटन कीता। हुनै कोलां किश चिर पैहले उत्थे पुज्जने पर उन्दा जोरदार सोआगत कीता गेआ। उद्घाटन समारोह उत्तराखंड दी लोक संस्कृति ते आधुनिक प्रौद्योगिकी दा इक्क बेजोड़ मिश्रण प्रदर्शित करोग। 28 राज्यें ते 8 केंद्र शासित प्रदेशें दे 10 ज्हार कोला मते एथलीट 35एं खेड्डें च 47 स्पर्धाएं च हिस्सा लैडन। एहू खेड्डां 8 जिलें दे 11 शैहरें च आयोजित कीतियां जा'रदियां ना। इस बरे देहरादून च राष्ट्रीय खेड्डें दा आयोजन कीता गेदा ऐ। 28 जरवरी थमां 14 फरवरी तोडी खेड्डें दा आयोजन होगा। 38में राष्ट्रीय खेड्डें दा टीम ऐ ग्रीन गेम्स। दो खेड्डू प्रदर्शनी दे मकाबले दा बी आयोजन कीता जाग। 10 ज्हार शा मते एथलीट इनें खेड्डें च हिस्सा लै रदे ना।

<><><><><><>

PM-Odisha

प्रधानमंत्री नरेंद्र मोदी होरें अज्ज आखेआ ऐ जे ओडिशा तौले गै औद्योगिकी विकास दा नेया प्रतीक बनी जाग, जिसदी कुसै नै कदें बी कल्पना नेई कीती होग। प्रधानमंत्री होरें आखेआ जे ओडिशा नमीं आकांक्षाएं, मौकें ते आशावाद दी धरती ऐ जेड़ी सब्बै निवेशकें ते उद्योगपतियें गी सफलता दे शिखर तोड़ी लेई जाग। अज्ज बडुलै भुवनेश्वर दे जनता मैदान च उत्कर्ष ओडिशा, मेक इन ओडिशा कन्क्लेव 2025 दा उद्घाटन करदे होई प्रधानमंत्री होरें आखेआ जे ओडिशा म्हेशां थमां उंदी प्राथमिकता च रेहा ऐ ते देश दा प्रधानमंत्री बनने दे बाद ओहू कोई 30 बारी उत्थे आई चुके देन। उनें आखेआ जे भारत गी दुनिया दी त्री सब्बनें शा बड्डी अर्थ बवस्था बनने च ओडिशा दी मती महत्वपूर्ण भूमिका ऐ। श्री मोदी होरें आखेआ जे उनें ओडिशा ते उन्दे लोकें दी क्षमता पर भरोसा ऐ जे ओहू राज्य गी सब्बनें राज्यें च सबनें शा तेजी कन्नै बददी अर्थ बवस्थाएं चा इक बनाई सकदे न। भारत ते 12 होरनें देशें दे दूतें, निवेशकें ते उद्योगपतियें सने 7 ज्हार शा मते प्रतिनिधि बपार सम्मेलन च हिस्सा लैरदे न।

<><><><><><>

Beating-Retreat Ceremany

बीटिंग रिट्रीट समारोह कल नमीं दिल्ली दे विजय चौक च आयोजित कीता जाग। रक्षा मंत्रालय नै इक बयान जारी करियै आखेआ ऐ जे 30 बक्ख-बक्ख प्रस्तुतियां ते सेना, नौसेना, वायु सेना ते केंद्री हथेयारबंद बलें दे बैंड दर्शकं गी मंत्रमुग्ध करी देंगन। समारोह च राष्ट्रपति द्रोपदी मुर्मू, उपराष्ट्रपति जगदीप धनखड़, प्रधानमंत्री नरेंद्र मोदी, रक्षा मंत्री राजनाथ सिंह ते होर केंद्री मंत्री शामिल होडन। इयां गै जम्मू च बी बीटिंग रीट्रीट समारोह कल मौलाना आजाद स्टेडियम च आयोजित कीता जा करदा ऐ।

<><><><><><>

Abu Dhabhi

विदेश मंत्री डॉ. एस जयशंकर होरें अबू धाबी च रायसीना डायलाग दे उद्घाटन सत्र च मुख् भाषण दित्ता जिस च भारत मध्य पूर्व सरबंधें दे बददे महत्व पर लौ पाई गई। उनें पिछले दहाकें च मजबूत बपार, संपर्क ते लोकें बश्कार सरबंधें थमां प्रेरित जुडाव च जबरदस्त विस्तार पर जोरपाया। इस सांझेदारी गी तेजी नै विकसित होआ रदे वैश्विक परिदृश्य च जरूरी दस्सेआ। डॉ. जशंकर होरें रायसीना डायलाग दी शुरूआत पर विचार कीता। इक दहाके पैहले प्रधानमंत्री नरेंद्र मोदी हुंदे आह्वान गी चेता करदे होई आखेआ जे छड्डा अंतरराष्ट्रीय सम्मेलन च हिस्सा लैने दे बजाय घरेलू स्तर पर उच्च स्तरीय सम्मेलनें दी मेजबानी गी प्राथमिकता दित्ती जानी लोड्चदी। उनें भारत दे मध्य पूर्व बश्कार डूंगे

ऐतिहासिक सरबंधें पर जोर दित्ता। वाणिज्य संस्कृति ते विचारें च सदियें दे आदान-प्रदान गी दसेआ गेआ।



India-Srilanka

भारत नै श्रीलंका दी नौसेना आसेआ पकड़े गेदे भारतीय मछेरें पर गोलीबारी दी घटना पर कड़ा विरोध दर्ज कराया ऐ। नमीं दिल्ली च श्रीलंका दे कार्यवाहक उच्चायुक्त गी विदेश मंत्रालय च तलब कीता गेआ ते बरोध दर्ज कराया गेआ। विदेश मंत्रालय नै आखेआ जे कोलंबो च भारतीय उच्चायोग नै बी इस मामले गी श्रीलंका सरकार दे अगो पुट्टेआ ऐ। अज्ज बड्डुलै डेलफ्ट द्वीप कोल गै 13 भारतीय मछेरें गी फगड़ने दौरान श्रीलंका दी नौसेना आसेआ गोलीबारी दी घटना दी जानकारी थ्होई। गोलीबारी च मच्छी फगड़ने आहली कशती पर सवार इनें मछेरें चां 2 गंभीर रूपै नै घायल होई गो। त्रै होरनें मछेरें गी ममूली सट्टां आइयां ना। विदेश मंत्रालय नै दोहराया ऐ जे भारत नै म्हेशां मछेरें कन्नै जुडे दे मुहें गी मानवीय ते हमदर्दी दे तरीके नै हल करने दी जरूरतै पर जोर दित्ता ऐ। उनें आखेआ जे कुसै बी हालात च बल दा प्रयोग अस्वीकार्य ऐ।



Gadkari-Abhay

केंद्री शिड़क यातायात ते जरनैली शिड़कें सरबंधी मंत्री नितिन गडकरी होरें आखेआ ऐ जे 2024 च कोई 5 लख शिड़क हादसे होए ते इंदे चा 1 लख 80 जहार लोकें दी मौत होई गेई। अज्ज नमीं दिल्ली च ग्रामीण विकास ते टेकनालजी केंद्र आसेआ आयोजित प्रोजेक्ट अभय दे समापन कार्यक्रम गी संबोधित करदे होई उनें दस्सेआ जे 66 फीसद मौतां 18 थमां 34 बरो दी बरेसू वर्ग च होइयां ना। उनें आखेआ जे शिड़क हादसे थमां देश दी सकल घरेलू उत्पाद वृद्धि दर गी हर बरे 3 फीसद दा नुकसान हुंदा ऐ। श्री गडकरी होरें निर्यात गी बढावा देने लेई माल-भाडे गी घट्ट करने पर बी जोर दित्ता। श्री गडकरी होरें ट्रक ड्राइवरें दी गिनतरी बदाने गी बी आखेआ कीजे देश वर्तमान च 22 लख ड्राइवरें दी कमी ऐ। प्रोजेक्ट अभय दा मकसद देश भर दे ट्रक ड्राइवरें दे जीवन च सुधार आहनना ऐ।



Bagpat-Incident

उत्तर प्रदेश दे बागपत च अज्ज इक धार्मिक आयोजन दौरान लकड़ी दा ढांचा डिगने करी 7 लोकें दी मौत होई गेई ते 8 पुलस कर्मियें सने 45 होरनें लोक जख्मीं होई गो। एह हादसा जैन धर्म दे प्रथम तीर्थंकर भगवान आदिनाथ दे निर्वाण लाडू पर्व दे मौके पर आयोजित कार्यक्रम दौरान होआ। हादसा उस बेल्लै होआ जिसले श्रद्धालु धार्मिक समारोह च हिस्सा लैने लेई मंच पर जा रदे हे।

Rijju-Khadge

केंद्री मंत्री किरें रिज्जु होरें अज्ज कांग्रेस अध्यक्ष मल्लिकार्जुन खड्गे हुंदिं गंगा च चलोबी लाने बारै कीती गेदिं टिप्पनिं गी लेइयै जबरदस्त नुख्ताचीनी कीती। इक सोशल मीडिया पोस्ट च रिज्जु होरें आखेआ जे कांग्रेस पार्टी महाकुम्भ दा अपमान करै करदी ऐ। उनें आखेआ जे पवित्र गंगा च चलोबी लाना, हज करने लेई जाना, चर्च च प्रार्थना करना, मठ च दिया बालना या कुसै प्रार्थना सभा च शामिल होना आस्था दा विषय ऐ ना की गरीबी हटाने दा। कल मध्य प्रदेश दे महुं च इक पार्टी काजक्रम गी संबोधित करदे होई खड्गे होरें आखेआ हा जे बीजेपी नेता फोटू खचाने लेई संगम च चलोबी लाने लेई इक दुए दी रीस करा करदे ना। उनें इब्बी पुच्छेआ हा जे क्या कुम्भ न्हाने कन्नै देसै दी गरीबी खत्म करने च मदद थोगा।



Mahakumbh-Amrit Snan

प्रयागराज महाकुम्भ च कल बुधवार गी मौनी अमावस्या दे मौके पर श्रद्धालुं ते तीर्थ यात्रियें लेई बेहतर सोआस्थ सेवां दी बवस्था कीती गेदी ऐं मौनी अमावस्या दा धार्मिक महत्व ऐ ते इस ध्याडे अमृत स्नान गी मता गे पवित्र मन्नेआ जंदा ऐ। कल दे पवित्र स्नान लेई लक्खां बद्दे श्रद्धालु उत्थे पुजा रदे न, पुलस प्रशासन नै सुरक्षा दे निगगर इंतजाम कीते देन। सरकार नै मजबूत 7 स्तरीय सुरक्षा योजना लागू कीती दी ऐ। महाकुम्भ खेत्तर गी No Vehicle and No VIP Zone घोषित कीता गेदा ऐ।



Railway-Mauni Amavasya

प्रयागराज च चला रदे महाकुम्भ च कल मौनी अमावस्या दे मौके पर श्रद्धालुं दी मती भीड़ गी दिखदे होई रेलवे नै ते होर मतियां रेल गड्डियां चलाने दी योजना बनाई ऐ। संवाददातां कन्नै गल्ल करदे होई रेलवे बोर्ड दे अध्यक्ष ते मुख कार्जकारी अधिकारी सतीश कुमार होरें आखेआ जे रेलवे नै पैहले कोला तय विशेष ट्रेनें दे अलावा 60 ते विशेष ट्रेनां चलाने दा फैसला कीता ऐ। एहदे कन्नै गै मौनी अमावस्या दे मौके पर चलाई जाने आहली विशेष ट्रेनें दी कुल संख्या 190 होई जाग। श्री कुमार होरें आखेआ जे इस रूट पर तय 110 नियमित ट्रेनां बी म्हेशां दी चाल्लीं चलोग। इस चाल्ली प्रयागराज थमां या?यें लेई हर 4 मिनटें पर इक ट्रेन उपलब्ध रौहग।



Delhi-Campaigning

राष्ट्रीय राजधानी दिल्ली च जियां जियां मतदान दी तरीक नेडे आवा करदी ऐ राजनीतिक गतिविधियां तेज होई गेदियां न। 70 मिम्बरी विधानसभा चुनां लेई प्रचार जोरें-शोरें कन्नै जारी ऐ ते बीजेपी, आम आदमी पार्टी ते कांग्रेस दे प्रमुख नेता रोड शा, रैलियां, जसभां ते घर-घर जाइयै बी लोकें गी अपने हक्के च करने लेई पूरी टिल्ल ला करदे न।



Srilanka

श्रीलंका सरकार नै भारत दे अडानी समूह कन्नै अपनी पवन उर्जा परियोजना लेई बिजली खरीद समझौते पर फही गल्लबात करने दा फैसला कीता ऐ। अडानी परियोजना उप्पर पुच्छे गेदे सुआल दे परते च मंत्री नलिंदा जयतिसा होरें साफ कीता जे परियोजना गी रद्द नेई कीता गेआ हा। मगरा कीमते च संशोधन लेई गैंड पुट्टी जा'रदी ऐ तां जे एहू यकीनी होई सकै जे एहू श्रीलंका लेई फायदेमंद हा। डॉ. जयतिसा होरें आखेआ जे परतियै गल्लबात दा मकसद टैरिफ गी 8 अशारिया 2-6 अमरीकी सेंट शा घटाइयै 6 सेंट फही किलोवाट घोषणा करना ऐ।



Cricket

आई.सी.सी अंडर 19 महिला टी-20 विश्व कप च अज्ज दपैहरी भारत नै मलेशिया दे काउलालम्पर दे बेयूमास ओवल स्टेडियम च स्काटलैंड गी 150 रन्ज कन्नै हराई दित्ता। भारत आसेआ दित्ते गेदे 209 रन्ज दे लक्ष्य दा पिच्छा करदे होई स्काटलैंड दी टीम 14 ओवरें च छड़ा 58 रन्ज पर आल आउट होई गई। भारत दी तरफा आयुषी शुक्ला नै 4 विकट लैते जदके वैष्णवी शर्मा ते गोगड़ी त्रिशा होरें त्रै-त्रै विकटां लैतियां। एहूदे शा पेहले भारतीय क्रिकेट टीम नै 20एं ओवरें च छड़ा 1 विकट मुआइयै 208 रन्ज बनाए। पुरूष क्रिकेट च भारत अज्ज गुजरात दे राजकोट दे निरंजन शाह स्टेडियम च त्रीया टी-20 अंतरराष्ट्रीय मैच च इंग्लैंड कन्नै मैच खेडूग।

